

við frv. til 1. um raforkuver.

Frá Birgi Ísl. Gunnarssyni, Eggert Haukdal, Magnúsi H. Magnússyni,
 Jósef H. Porgeirssyni, Steinþóri Gestssyni, Sverri Hermannssyni,
 Árna Gunnarssyni, Sighvati Björgvinssyni, Jóhönnu
 Sigurðardóttur og Vilmundi Gylfasyni.

1. 1. gr. orðist svo:

Landsvirkjun er heimilt að fengnu samþykki eignaraðila að reisa og reka eftirtalin orkuver:

1. Nýjar virkjanir eða viðbætur við orkuver á Þjórsár-Tungnaárvæðinu með allt að 250 MW uppsettum afli, þ. á m. stækkun Hrauneyjafossvirkjunar og bygging Sultartangavirkjunar.
2. Virkjun Blöndu í Blöndudal með allt að 180 MW uppsettum afli, þegar tryggð hafa verið nauðsynleg réttindi vegna virkjunarinnar.
3. Virkjun Jökulsár í Fljótsdal með allt að 330 MW uppsettum afli, þegar ákvörðun hefur verið tekin um að setja upp stóriðju á Austurlandi.

Pá er Landsvirkjun heimilt að gera stíflu við Sultartanga og gera þær ráðstafanir aðrar á vatnsvæðum ofan virkjana sinna, sem nauðsynlegar þykja til að tryggja rekstur þeirra.

Landsvirkjun er heimilt að láta ljúka undirbúningi og hönnun þeirra mannvirkja til útboðs, sem um getur í 1. gr.

2. 3.—6. mgr. númerandi 1. gr. verði 2. gr. með eftirfarandi breytingu:

3. mgr. orðist svo:

Landsvirkjun er einnig heimilt að reisa og reka orkuveitur til þess að tengja framangreind orkuver við núverandi landskerfi og styrkja það kerfi að því marki, sem nauðsynlegt er talið til þess að flytja orkuna til afhendingarstaða.

3. 2. gr. verði 3. gr. og orðist svo:

Ríkisstjórninni er heimilt að ábyrgjast f. h. ríkissjóðs lán, er virkjunar- aðilar kunna að taka til greiðslu stofnkostnaðar vegna mannvirkja, er um getur í 1. og 2. gr., allt að 2000 m.kr. eða jafnvirði þeirrar fjárhæðar í erlendri mynt.

Ríkisstjórninni er einnig heimilt að taka lán f. h. ríkissjóðs, er komi að hluta eða öllu leyti í stað ábyrgðar skv. 1. mgr. og endurlána virkjunaraðilum með þeim kjörum og skilmálum, sem hún ákveður.

Pá er ríkisstjórninni á árinu 1981 heimilt að ábyrgjast lán eða taka lán og endurlána virkjunaraðila allt að 50 m.kr. til undirbúnings ofangreindra virkjana umfram það fjármagn, sem þegar hefur verið ákveðið í þessu skyni.

4. Við frumvarpið bætist ný grein, er verði 4. gr. og orðist svo:

Ríkisstjórnin skal sjá til þess að á hverjum tíma fram til ársins 1999 verði tiltækir fullhannaðir virkjunarkostir með tilliti til verkefna í orkufrekum iðnaðar, umfram þær virkjanir, sem þá er unnið að framkvæmdum við eða í starfrækslu eru.

5. Við frumvarpið bætist ný grein, er verði 5. gr. og orðist svo:

Undirbúnungur samninga um sölu raforku til orkufreks iðnaðar og byggingu og rekstur iðjuvera í því sambandi fellur undir orkusölunefnd, sbr. 6. gr. Orkusölunefnd skal vinna að því að leita hagkvæmra sölusamninga á raforku til iðnaðar og miða störf sín við það að sala raforku til orkufreks iðnaðar a. m. k. fjórfaldist til ársins 1999.

Nefndin skal sérstaklega hraða samningagerð um byggingu þriggja nýrra iðjuvera á svíði orkufreks iðnaðar, eins á Austurlandi, eins á Norðurlandi og

eins á Suðvesturlandi eða Suðurlandi, auk stækkana á þeim orkufreku iðjuverum, sem fyrir eru.

6. Við frumvarpið bætist ný grein, er verði 6. gr. og orðist svo:
Orkusölunefnd skal skipuð sjö mönnum kosnum af sameinuðu Alþingi eftir hverjar alþingiskosningar. Nefndin skiptir sjálf með sér verkum.
Nefndin skal skila árlegum skýrslum um starf sitt og horfur í orkusölu-málum til Alþingis.
7. Töluröð annarra greina breytist til samræmis við framanritað.